



**JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU**

*Komunikadu Imprensa
03 Dezembru 2014*

JSMP realiza diskusaun meza redonda ho profesionál legál fetu

JSMP liuhusi Unidade Justisa ba Feto no Labarik (WCJU) servisu hamutuk ho UN WOMEN, realiza diskusaun meza redonda iha 4 Dezembru 2014 ho profesional legál fetu iha Hotel Timor.

JSMP selebra loron 16 kampaña violénsia kontra fetu ho diskusaun ne'ebé orienta ba profesionál legál fetu atu aseguira sensibilidade ba asuntu jéneru.

Objetivu husi diskusaun ne'e atu promove diskusaun no prátika di'ak profesional legál fetu iha setór justisa. Iha tempu hanesan fahe mós sira-nia esperiénsia no perspetiva hodi konsidera instrumentu CEDAW iha akuzasaun no desizaun husi tribunál.

Diskusaun ne'e sei partisipa husi profesionál legál fetu, iha setór judisiáriu hanesan juiza prokuradóra, defensoria, advogada no organizasaun ne'ebé oferese assisténsia legál ba fetu.

“JSMP nia espetativa husi diskusaun ne'e profesionál legál fetu introdus instrumentu legál CEDAW iha prátika halo akuzasaun no hasai desizaun. Husi prátika ne'e JSMP fiar katak vítima violénsia bazeia jéneru hetan protesaun adekuaudu no enkoraja vítima sira asesu ba sistema justisa formal”, dehan Diretor Ezekutivu JSMP Luis de Oliveira Sampaio.

Mezmu programa ne'e realiza ho durasaun tempu limitadu, maibé JSMP espera katak diskusaun ne'e sei sai útil liu tan bainhira autór sira iha interese di'ak hodi introdus instrumentu legál husi konvensaun hirak ne'e iha sira nia prátika lor-loron.

Aktividade ne'e realiza tanba hetan suporta husi Embaixada Norwegia iha Jakarta Indonezia no Canada.

Atu hetan informasaun kle'an favor kontaktu direktamente:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.minihub.org
info@jsmp.minihub.org
telefone: 3323883/77295795
Website: www.jsmp.tl
Face book: www.facebook.com/timorleste.jsmp
Twitter: @JSMPtl